

燈火喧元夕風光向早春客心兼夜永 聖澤與時
新明月懸官舍椒蕩集故人梅花誰與折幸為寄江
津

送姜漚思直指二首

夙昔心相許今茲果所期勉懷 人主詔莫負友生
知亂後民應少邊方法有要須令驄馬處雨露徧西
陸

其二

同氣能相應惟君知我真常論天下事敬責二三人

此去吾誰共為懷難盡申願言勤啓誨六厭手書頻
送方亦人還閩

對策金門罷懷歸已載吟非無捧檄色時切倚閭心
鴈語天風落雲寒嶺海深勤惟溫省意長日惜分陰
送施尚白奉詔粵西

槐署纔三月驅車復海東君恩萬里外臣分一身中
煙瘴初天地咨諏徧雨風須令反側子巖壑盡投弓

送徐莘叟

幾歲同官好論交到我真贈詩為惜別臨酒定懷人

寒露漁陽曉丹楓淝水春莫愁山路寂歌舞日隨身
送范端臣兼寄舊友

昔登瑞光塔遙望吳江東數寺居湖勝看山在水中
今當良友去如與舊遊同寄問蘇門子詩題到幾峰

送穆白章歸

相知已廿年相見各脩然嘗共吾儒語推君天下賢
文章千古在風節一身懸臨別何為贈遺詩未值錢

送給詠林雙城歸葬

南越萬餘里海風雲氣青驅車載國寵釀酒拜先靈

驛路先梅發碑文勒石銘所生予尚負獨媿戀明廷
送郭元菴給諫還洛

憶家復幾載攬轡及初春驛路梅花接鄉關芳草春
君恩咫尺近交義一身親余亦懷歸者長留似愛貧
送周世培給諫還浙東

給舍發長安朱轡夾道看出城諸友送入戶老親歡
夢過淮陽道春蘓風露寒還朝須及蚤當宁重言官
答詹柔尊書後復為詩寄之

醉君江上閣風雨闐然春忽作十年別幾成異世人

得書如面見贈句以情申遙羨湖煙裏能于魚鳥親

偶題

常閑真似旅為累祇因目才盡方知拙貧長漸得安
門深巢鳥徧庭靜落花寬良友能頻過相忘不着冠
曉晴

高眠人蚤起虛閣滿天光草木春酣後山川朝氣蒼
行人慰道路飛鳥悅翔翔余亦忘幽獨攤書展竹床

夏日

長日無餘事閉門閑此身漸看今古盡微得性情真

坐久復時起思清如有神
虛窓獨自起啜茗對佳辰
舟發楊村驛

臨晨罷理楫樓鼓發河旌
但見岸行速微聞水力鳴
遠雲穿樹過高鳥帶帆輕
舟子相觀笑良風亦定聲
舟中

初日澄江靜深秋山氣蒼
放船懷遠道倚目泝流光
樹影隨雲末波聲共路長
卧遊舟子樂幽性亦翱翔

懷陳相國

歌吟結中夕雲氣蒼燕山
座上復誰在長年好是閒

不能憶夙昔獨自近鄉闕
沙雁初來至留書何日還
其二

長安古勝地黯黯塞垣秋
身自忘斯世思仍繫九州
君恩方賜問客夢尚關愁
傷此生民困誰云天道幽
出都

懷歸自夙昔去國獨關心
靜念客來久翻思山不深
高風原野濶寒日水雲陰
天氣將人近清秋尚可尋
發東光

空江宿雨後秋氣曉來清
曲岬移風轉輕帆帶纜行

過花看鳥起舉網聽魚聲飯罷攤書坐長閑愧耦耕
故城卅中

清晝無世事然煤炷木沉圖書自盈几眠坐總随心
時見林巒迢遙觀烟霧深長流不知遠自古有如今
舟趨蔣虎臣不及

輕帆計已遠整日數行程獨起憐風好長閑厭晝清
去舟看不盡曉發每聞更一望煙波渺相期空復情

送萬民部督餉大同時姜壤初定移督陽和

雲中古絕塞風雪渡河津經亂移新鎮屯騎斂舊民

敝裘安冷署病馬慰勞人相送無杯酒知君念我貧

送泉守高徵之江時閩中初定徵之與子同為晉

閩地流風古王圖草昧時羨君今太守計日見吾師
天子垂南顧逸民遠海涯勤宣明詔後應念雪深期

春氣

臨曉不能起秀天漸爾長風過花欲至雨定樹餘涼
關塞仍遲草江湖已潤霜悄然虛室靜亭午減衣裳

秋聲

窓樹闌何意他鄉自屬情偏逢秋半夜能作雨中聲

欲寢還加聽無聞却自驚江南千萬里眼看待天明
穹窿二首

夜隨明月起遙訪東林松寺立垂雲裏鐘來薄露中
茗園先近丙泉井過聞風有識尋山意空明道已通

其二

名亦高僧累中宵有送迎暮鐘應復奏古佛得毋驚
山定誰深處人真便盡情靜言懷擾攘不足惜生平

即事

有官常似客得友即成家貧不遭人厭談常到日斜

去來無禮法飲食有杯茶學易應時進庭前徧落花

移松

伏天宜樹木北地即春時自愛青松古因逢好雨移
空庭清夜氣爽景入秋思看汝龍蛇勢蒼然百尺姿

賦得樹出蓬萊殿

皇居兼海峽生氣占春陽雲委蒼龍起花啣白鹿傍
年時曾國古風雨近天香樹木十年計於今任棟梁

五言排律

道中壽汪十二

金桐垂露夕玉燕得秋先人自蕊宮降家從鳳沼傳
文章存道古日月入懷懸舊德推名氏遺經起後賢
齡年承接間離枝媿同憐侍雪程門下分藜白社前
弟兄交以世中肉合於緣義託艱難共憂深出處全
笑歌連半載風雨露三千客裏逢初度舟中開晚筵
輕帆杜若浦野遂暮雲天酒憶家中熟情移座上妍
功名君自有仁壽道斯然持此百齡上更教甲辰年

郢中方劍子留宿次韻贈答

汎迹江聲外輕帆但信風偶隨芳草至適與白雲同

別久鶯花改思窮山水通面憎驚乍識語苦愧相蒙
命厭書生薄名成豈子雄古煙寒勝跡繁露勁香叢
未試西施險難追黃石功歡情失酒味離怨寄詩筒
拈壁聊尋樂省身庶免攻天應悲俗悔道未許吾窮
高嘯慰麟鳳殷憂念鴈鴻報君愛出處聽雨曉犁中

獨坐

深懷臨獨坐素願感平生心負終難昧時成可諱爭
上書憂水火論事急春耕門與山中似官當世外名
暮朝真畏馬省咎免逢迎

雪夜宿直

左掖垂鞭暮東寮簇榻偏齋衣兼劍盾宿帳接裘氊
殿閣光虛壁梁息蘊濕煙風迴斜過雨漏定暗聞泉
松道委雲西石橋照火然鐘聲移永夜人氣集春天
喧語遙相答清魂未就眠

七言律

壽汪西源直指四首

丹鳥銜文下禁中金湯半壁大江東鎬豐舊業藉留
後節鉞新勛受考功赤子也知驄馬避南人只為羽

綸通二陵風雨今何處悔不當年借寇公

其二

新綸遙入古荊州明月南樓興未休幾驛紅氈桑陌
雨一簪白簡栢臺秋舳艫夾岬前籌遠穀帛窮簷閭
澤流持斧活人誰最急漢家王賀合封侯

其三 原令壽昌

舊遊憶得是寒溪信宿重寬父老思繞匝檐榆爭識
面指看襦袴又嗟遲一棠古色陰千里片鳥清光宴
四垂江漢有詩歌召父猶題爽氣在西時

其四 六月誕

秀州山水名天下紫氣曾占太史文玉燕光仍先白
露繡衣風自載南薰恭題六月陪明宰效祝三多協
聖君長國長民仁者壽靈椿特以大年聞

贈節鎮子八泮

節使分符漢水東采芹初試鳳毛功將軍裘帶元儒
者公子詩書有父風已卜投戈登虎觀何年獻馘受
黷宮貳師待勒燕然石彩筆生花自幕中

春日寓張氏山樓

春林萬折委深樓林外青山點點愁春水一江孤棹
遠綠茵半野亂鶯投煙垂弱柳搖絲起風冉飛花過
樹留午夢正醒聞客至小奚傳語未梳頭

秋夜

高閣虛牕徹夕開疎林轉過月光來近秋雲霞山峰
見入夜家家砧杵哀別浦荷香風裏度滿湖菱唱渡
頭迴小牀纔熟茶餅雨坐覺星河暗自催

赤壁

赤壁千年古跡疑漫勞過客訪殘碑雖無一炬周郎

熊罴詩集
烈却有三秋蘇子詞道士夢中猶借鶴將軍江上豈
憑龜山川自為文人重誰起泉途問是非

壽王念尼學使

玉管陽回宮線添蕊珠謫宿下箕駮天移江漢空羣
址身載燕雲與道南多士參苓隨雨化四時風雅首
崇甘黃雁疇看登平格大歷應同天地三

壽汪用卿先生七十

纔過九九看花天浹歷欣逢祝大年五穀聲名西里
下少陵風雅盛唐前好遲黃菊陪人老正作白衣載

酒還世事從知無復古長留彝鼎鎮山川

望小孤

神女得名凡幾代孤峯千古峙江頭竒功磊磊曾封
石勝跡英英欲斷流春水遠帆沿岨草暮山疎樹動
城樓東來一望風烟渺幾點輕潮徧客愁

得于宣弟故衣

怪汝殘衫正復存侍兒擎上亦聲吞舟中漬水曾殉
難領上遺脂尚透痕疊向几筵頻觸目列於銘座可
招魂臨臆憶得危襟坐爽氣森然接弟昆

壽汪生

妙質英英弱小生松心古茂自天成與君三世兼朋
友許我忘年作弟兄蚤見童顏將老駐應知鎖骨自
身輕百齡於九仁人壽浹歷從知世澤宏

壽陳邵封

湖上鳧車韻鼓闐明朝待降蕊宮仙竟邀父子為佳
客直引山川佐舞筵紫艾家家香作供青蒲歲歲酒
當前昨來不用吳繒五自是靈椿有大年

贈吳少府二首

郡齋纒帶一琴來又載名花滿縣栽清影入秋心是
月冷香臨曉骨為梅幾村林木歸巢燕兩案圖書供
聽槐誰以催科兼撫字鳳雛百里豈非才

其二

吳興山水占南天海色秋聲盡此賢人物浙東七萬
戶風流江左幾千年堂宜題雪來朝爽竹可為樓貯
晚烟京兆莫須輕五日遺民初借潁川還

送程雪門覲回京口

皇州煙樹灑飛埃手攬單車古道開天子具知東粵

政使君端為潁川迴三山海色留秋待千里薰風近
日來薄暮郡樓凭遠望江城應見舊棠栽

京日守風喜詹柔尊至二首

寒沙一笠宿漁煙竟日看帆羨別船山氣厭江渾欲
側潮聲望海不能還客愁上國兼家夢天為良朋教
雨連少慰風波今夕話星星疎磬滴懸泉

其二

山閣輕陰欲接天江聲直上引飛泉漸逢亭半三吳
客共說免時萬歷年念國豈勞書卷蠹懷家已囑夢

魂傳可憐細雨淹朝夕欲濟何人着祖鞭

壽劉覺岸

露涼月白水山清玉燕流光下石城氣自雨花臺上
結道于集鵲署中行旃檀火定全銷性貝葉籤翻未
動聲端是西來元悟徹無生即已證長生

館中即事八首

積沙夾戶古槐通玉署天懸址闕東橋路斜過大內
水松門遙對玉芝宮百年文物推先輩當代詩書變
古風聖主養人將有待花磚莫擬歲時功

其二

佳日延英集鳳池上樽主爵醮先師盈庭禮樂傾三
院幹國其襄紹此時膳宰舊勞宮衛使登歌近免教
坊司幸陪諸子還同宴蘭藉今增選授咨

其三

曉入宮城宿雀飛門槐繫馬署簾幃三聲雲磬傳公
會一押花名退內扉典故尚存書目在館規殊覺課
文稀至尊會御經筵講考古須嚴步履非

其四

試年來較昔疎莫因寬政負居諸俸薪未薄仍民
力筆札頻來出尚書敢仗唐虞學稷契可安出入愧
翰輿長吟終日能何補詩賦為官老蠹魚

其五

從來閣揖先諸賢近日朝參亦偶然禮義自由吾黨
出衙門舊在六官前直房地接頻開閣石砌人橫亂
藉羶傳語朝廷尊兩制慎毋烏扇讓先鞭

其六

本以學書當做官食貧夙昔已心安莫將金馬休儒

熊登詩集
三
羨試看郊犧文繡難絕塞鼎鐘爭矢石荒廬風雨有
饑寒堂餐請罷猶人耳一飽當知亦素餐

其七

西房旦旦呼號書我讀何書此生虛敬一亭前巢鳥
遍五雲深處霽月初何年風俗開虎觀合有中庸授
橫渠大業自然同今古脉望前身原蠹魚

其八

烽煙百戰一身餘燕楚三千鴻雁疎五世宗彝終弱
推幾家檣櫓尚邱墟秋山落木驚霜露夕照長遠戒

馬輿南望江鄉雲不盡開原霰霰採新蔬

秋懷九首

淺雨薄風下北州悄然天地入深秋近南日氣斜城
郭向晚知聲早戍樓久客夜來青玉簟內家馬上紫
貂裘江關千里看明月不聽空砧也著愁

其二

虛窓照日動明光清爽朝來薄試裳昨在亭前風落
木一秋花下雨餘香鶴鳴別館歌鐘靜簾捲斜暉午
磬將疲馬溯煙過玉水綾紋還指大東牆

其三

爛星初月散微涼帝里曾傳夜渡梁
天上有河開鳥道人間無雀到江鄉
戍衣自下聞砧淚旅食猶行乞巧觴
獨坐漏聲渾不寐誰能擁夢背燈光

其四

歲粟京營水一灣青齊十二敵函關
休誇東漢帝銅馬早策南陽掃黑山
百戰聲靈今盡狎四方流徙幾時還
須知此地連淮楚莫放烽煙近洞蠻

其五

土田頒錫舊勞人千里畿疆無一民
丁壯那能溝壑盡棗梨遙望濟河新
循良渤海仍書考名籍南陽漸欲真
冠上觸邪空有字圖中鴻雁屬誰陳

其六

昆明未息長圍騎督府新馳減竈疏
斯地中原當吮脊若曹解散豈樵漁
輒收精銳金刀慮悉罷州兵典午疎
玉石萬方須有策可容豺虎縱邱墟

其七

禁城宮館一灰飛西苑湖亭淨夕暉
山上啼禽松柏

魚鑑詩集
五
黯橋邊哀湍芰荷稀環庄勝事誇宮監遊舸風光委
石磯遙望粧樓同歲月千秋誰念是和非

其八

大河以北近京畿昨歲荒涼客解衣疲騎穿城白晝
靜春林巢鳥路八稀黃沙古道吹風雪蔓艸寒廬閉
棘扉漢帝於今尊卜式栢梁應笑露臺非

其九

盛朝啟運由天授大德酌勞洽比隣障塞九邊宜將
帥金繒間歲尚和親繭絲形力愁空杼虎吻嚙膏易

嗟人吳楚一家撫臂語誰推高帝有深仁

送郭裕九奉使江南

闕宮左个尊文母玉殿龍章錫寵榮劉媪亦緣天子
貴叔孫何載奉常旌黃花驛路和香擁秋水橈歌送
月明應念東南民力竭老羸扶杖可勝情

送李潑河奉使山西

登歌燔璧饗明堂大禮推恩降八方文母頌詩兼魯
國周公賜帝本成王綸音春起蒿萊色諫草圖迴鴻
雁章還語三河反側子能知仁孝也悽愴

出西華門往增壽寺四首

春城攬轡玉河東
靄靄雲深閣道松
此地木天存故事
當年先達有流風
聖人特詔臨雍禮
海內初傳新
政功疲馬共教塵
裏暮即防金炬侍齋宮

其二

新移三院駐南薰
長日春風近聖君
緩轡雍容趨右掖
流香縹緲望紅雲
明經未敢榮車馬
顧問殊慙讀典墳
願祝萬年長有道
敬從初服贊憂勤

其三

天街小雨淨飛塵
十里煙廬曉氣新
出郭名花競散酒
沿河古木自生春
共傳禮樂尊天子
可許冠裳親萬民
京國自關風教首
謳歌早晚徧江濱

其四

金門兩歲一諸生
經國文章愧此名
真欲讀書學稷契
且將避世免逢迎
疎鐘晝永風烟定
垂柳春深雨露輕
敢道河汾皆將相
千秋絕學共修明

題灤州張公入鄉賢

莫謂斯民無直道
百年俎豆尚馨宮
循良有傳吾當

史凋敝如斯事可風故國河山時代隔名賢歌哭古今同寄言畿內諸君子一拜先生庭下松

贈陳太宰

走馬門前却復迴澹雲斜日黯燕臺風霾迷晝非天
意霖雨為誰應節來斯道廢興關氣數達人悲憫有
深懷近西關塞絕千里悵望龍旌日幾回

壽李同山

聖道天開瀛海東從龍帷幃屬元戎河山漢世諸侯
表燕喜周詩六月中家本神仙指樹姓系綠亭子以

軍功自依故國占喬木訪道無煩河上公

壽范世兄

海上三山近帝鄉翩翩裘馬擁仙郎功成虎旅叅帷
幄家本龍圖佐廟廊聞樂遙瞻青鳥降趨庭還振綵
衣香心知孝友慚張仲清酒無能佐雅章

壽范中堂

天造皇輿啟聖人三朝佐命降生申彤庭武事兼文
事蕙幄親臣作世臣功勒河山同永戴光依日月共
長春臨軒正爾詢黃髮仁壽應知躋兆民

熊鑑言集
壽王綏五年兄伯母

聞道蓬萊東海東
即今西母屬王公
萱庭偕老眉雙
白玉署新恩
綵獨紅魚鮓
無勞千里寄
葛覃猶見二
南風板輿何日
迎花下願附
登堂一拜中

壽張方納年伯母

百二河山古帝鄉
天鍾間氣降西王
教成先後俱公
甫名出翁姑許
穆姜聖代新
綸隆館閣故
園燕喜奏
清商讀君昨日
陳情表欲賦
由庚續雅章

送郝雪海巡蜀

苦辛聖皇深念一方民
知君槐署留清
此謂此霜臺有至仁
曉露平原鴻漸集
秋風大壑虎
來馴西征不用表
貂賜持斧於今能活人

送何玉水

昨日聞君新上書
却從邸報讀全疏
自將全力為天下
且向邊陲見緒餘
關塞萬山西
北近瘡痍滿日勞
來初為言天子方親政
風雨常隨御史車

送楊似公巡粵東

便殿躬承天語諄
臨軒手付粵東民
正逢關國初將

命且喜過門一拜親萬里海荒新雨露一身忠孝先
鄉鄰綵綸世業君家事館閣於今屬直臣

壽青藜伯母七十

西曹宿鵲徧庭槐春向萱花香露來清署自無遺鮓
累歡顏一為活人開宮中文母新恩降海上西王紫
氣迴幾歲宗盟終奕奕慚無火棗佐霞杯

喜雨

抄簟微涼欲向晨夢回初覺雨來真滄江夜靜魚龍
變禁苑春回草木新望裡雲帆過海嶽澤中賊盜總

臣民一官所望惟年歲遙指東菑慰客貧

送別熊次侯

風靜天高落木悲輕車羸馬望南馳槐深玉署曾聯
轡夕照即門憶共卮近日文章誰與語別來期許慎
相思經過倘遇真英俊莫惜音書報我知

送吳匡左南歸

華旌畫舫御河渚遙憶高堂有遠思奉詔親迎為借
菽到門抱了慰含飴官程憶蓀明花繞水驛笙歌錦
纜移此去風光春氣接晴川樓上試新詩

壽周世垓年伯雙壽

小陽春過七初長南極遙連寶婺光夫婦齊眉同上
壽兒孫滿眼佐行觴雲璈海上來仙樂青鳥庭前舞
素裳陸地袖仙人世樂何誇騎鶴白雲鄉

送王篤休守荊州

曉雪霏霏近小春遙聞五馬指江津中原一道舟車
會蜀地重關虎豹馴萬井煙寒城郭古興朝風勁草
萊新峴山北望碑猶在幸憶當年叔子仁

寄元初上人

青松數里入雲峰憶宿穹窿深翠中三月茗香初穀
雨一湖春水滿帆風飯僧時見鳴禽下說偈微聞午
磬通聞道新年過海上可曾飛錫訪天童

瑞光寺塔在蘇州

城中高塔上垂雲湖水山煙動夕曛古寺佛光留瑞
氣先朝御製有碑文櫂歌委折吳江路鈴響清泠歸
鳥羣久客獨登絕頂處手拈故事作新聞

韋祠海棠

城東載酒趁朝暉纔過花朝半欲飛樹是年深枝獨

魚鑿詩集
蚤花因名重折應稀佳筵久就能無醉明月初來各
自歸門鼓數聲催過馬香塵滿路撲春衣

憶汪治夫

孤舟煙雨蕩春湖子昔吹笙我鼓竽半載各忘身是
客一江誰料越如吳去家無處先門卒笑野終朝卧
酒壚寄語山雲秋色好喁喁四海望吾徒

館中秋暑

紅槐深榻暑初輕天半流雲雨欲成直吏下傳公座
免東房纔見午餐盛敞衫露頂人相對簾影茗香鳥

不羣稍喜朝廷薄禮法生徒枕藉徧簷楹

寄姜滙思

三年出入五雲深對榻憂天共苦吟近代文章誰補
袞斯時驄馬若為寐歌風醉月曾相許說劍論兵已
自任關塞半天千里寄頻將好事慰同心

其二

澄清風昔擬埋輪攬轡西行 詔命新時是開天今
更始道當救世汝其人瘡痍未起干戈後部落交參
騏驎隣自古安邊惟省事當今絕塞識皇仁

真三

寒沙露浥雁飛秋
玉勒青鞵狐白裘
持斧代行天子出
當關互市遠人柔
豺狼膽落聞封事
輿從風清速置郵
撫掌舒懷應獨笑
還思西顧有深憂

送張在茲給舍還洛

冬郊風定麥苗晴
古道遙遙車馬輕
買酒典衣君尚卧
題詩呵筆愧為情
春來河嶽流雲動
路入鄉關芳苗生
應念君親俱屬望
還期何獨慰良朋

送戴紫杓計部楚州

棘舍一鳴空冀北
分司千里權淮東
中原鱗集舟車會
平國征需會計功
廟口潮聞酌愿鼓
湖西春入報花風
歲朝自不求難得
應念寒廬杼軸空

送昔原合廣六

欲雪欲風天未分
蕭蕭裘馬趁春雲
一人有道方興學
四海無虞正右文
兩漢生徒兼作述
初唐將相半河汾
宮前茂草休嫌寂
堂上三鱣會報君

范世元鄉薦

上相鴻勳勒景鐘
鳳毛初試健秋風
恭逢 聖主修

文日首出親臣射策中四海人心觀禮樂一家世業
起岐豐龍圖父子當年盛何似三朝佐命功

壽黃樵雲年伯

聖皇初政四方同高士頤年山水中自欲鳴琴懷太古
偶司飲酒列黌宮詩書已付兒孫讀姓字終于花
鳥通佇見臨雍詢舊典蒲輪何日到申公

贈錢永思

深堂垂柳俯閑原幾歲春風聽鳥喧世事遂成今古
異故人纔有二三存客中相見渾如昨別後多懷未

可言且喜君來逢我意莫辭一醉倒清尊

天津宿

白雲天漢動深秋長纜微風送遠舟海口隔煙潮夜
入人家交岼水中流江河萬里初為客花草長隨未
解愁新月滿船燈火靜連聲鼓吹徹高樓

天津

控海臨河樹鎮城東流瀛渤擁神京魚鹽一道供南
北秔稻千帆餉禁營雨久灘深歌曉棹潮來岸溢泣
秋耕撫軍初罷弛防汎淀口于今尚宿兵

壽林母八十

生長元從隆萬前
先朝猶及太平年
六新帝歷乾坤
老三易親鄰
姓氏傳幾處
宦遊渾似古
一身健在亦
成仙
含飴更見孫生子
共羨靈椿歲八千

賦得春宵一刻值千金

駒隙百年来日短
春光九十夜平分
海棠深院愁羸
馬淡月空天怯
點雲戎索漏寒
綃帳靜玉笙風度竹
牕聞還思此夕
當何夕
夢覺關頭自在君

壽徐繩東年伯

山中有相愛
吾廬身載經
綸侶澤漁
自駕鹿車忘歲
月不將魚鮓累
詩書雙眉未白
真偕老三釜
初榮供
燕譽孝友侯
誰張仲在尊
鱸稍已近秋初

女史

風流天種更疑天
多與人情少與緣
為惜名花頻夢
到
寢傷好事半
愁牽癡當絕
處猶嫌淺
想入窮時已
近禪
誰道英雄饒
勁槩解從兒
女覓些憐

喜周汝登表弟至

良朋聚合猶興感
何況天涯得弟兄
兵火十年驚汝

魚鑿言集
在風烟數月滯吾行
僅將離亂燈前憶
細點詩歌別後情
好月未來當自醉
寒光歷歷倚窓生

五言絕句

漂母祠

淮陰未遇日窮坐
釣江濱却笑蕭丞相
先輸一婦人

其二

長日臥垂綸為謀不及身
可憐溝壑畔將相許多人

曉發

中年能起蚤
久客得心多
風露惜人慣
車騎指路訛

報國寺松

行人每來往
孤松常獨閑
從來託意遠
不必在深山

其二

幾歲忘風雨
一身存古今
朝來遊賞者
誰定是知心

贈衣

廿六日朱房師見子
紗衣解齊肩相贈

京燕窮北地
十月尚輕紗
將雪人情感
小春天氣賒

乞巧詩

風俗常隨節
情懷舊信天
巢瓜聊自適
不敢向星前

七言絕句

晚泊姑蘓

霜涼風細月中天夾岼春燈照客眠幾處曲樓歌不徹
聲聲都到枕頭邊

客燕

正向燕中聽立秋江天烽火可能收遙知今夜空閨裏
明月應為報客愁

寄書

片紙家書萬里心知君忠信特相尋一杯手奉非無意
山水前途念好音

雪堂

四壁冷冷畫雪圖到來應有古心俱未知堂上登臨者
得似當年二客無

富也 有吳甘寧祠

初日滄江宿雨醒亂山無數一峰青錦帆官館灰飛盡
幾點寒鴉送客舲

夜泊

暗雨飛飛入夜降江流活活上虛窻小孤山下潮初到
欲送愁心過九江

花園鋪

俗傳尚書詹同所治

舊有園亭列石茵尚書曾此樂芳春即今花草都無
在何況當時遊賞人

避兵者

細雨吹風亂草濃攜家荷擔自相催分明子弟皆中
國盡道駢騎四面來

親誕

酌酒前庭歌笑闌老親衰鬢亦歡然座中盡羨添籌
好子意籌躇更惜年

屠蘇

夜合屠蘇漬井泉曉來斟酒餉新年杯中勸汝還須
滿昨歲纔過栗烈天

美人攬鏡四首

為楊湄作

初日勻妝向小牕一春嬌性為誰降兒家國士曾蒙
許不信人間竟有雙

其二

覺來語笑盡能真汝亦何人敢效顰昨夜梅花堦上
影要知香處是精神

其三

曉妝纔罷綰方眉後影仍持小鏡窺獨起徘徊翻自
妒問郎何處得名姬

其四

側身小立顰春衫纖指拈花試鬢邊不是向他頻問
好總伊妍處是儂妍

青桃

暝雨吹風花落時離離青子暗盈枝恰如十五江南
女羞臉難紅頭自垂

京師元夕

懸火溶溶徧酒壚春遊幾處響笙竽新來京國頻相
問得似當年歌舞無

其一

尋常秉燭展春韶歌吹烟花况此宵無賴遊兒真倚
醉分明欲認暮為朝

其三

禁城夜柝數更樓燈市沉沉月似秋疑有仙橋雲裏
度風吹玉笛落涼州

其四

攜光遙照夜泠泠響簾初卷出翠鞦步步笑香橋上
去正陽樓下試捫釘

其五

年華頻歲十新春兒女心情喜信神燈燭夜深深拜
了自懷明鏡聽東鄰

西苑湖

丙作西山春水生傍湖新柳轉流鶯行人馬上過橋
去想見江南歌櫂聲

壽邵國楚

古松謾謾立寒原幾載烟霜自沃根天與人間多日
月未東還見老龍孫

曉出右掖

春風走馬掖門遠十里長逵廬井開遙望城中雙塔
寺如同煙靄在西山

送義聚還彭澤

訪道何心竟訪燕自知朝市勝林泉即今已悟真機
透事事分明俱是禪

其二

芒屨萬里溯江濱
遙憶匡廬望故人
愧我尚猶廿五
斗誰為送過虎溪津

寄畫姑山大姪

燕楚三千兩載餘
曾無一物佐家書
畫中寄汝江南
意日向茅齋憶遠唐

黃花

黃花幾點使秋新
莫作西風不是春
心眼即今清豁
露雨餘山氣倍宜人

賀范中堂世兄鄉薦

聖代崇文始鎬京
宗臣對策冠羣英
喜當制菽開科
目正藉元功配盛名

其二

帝謂蘇環真有子
父稱陳紀固難兄
洛陽年少兼才
美會有新書上治平

見煤山

策馬西趨禁院還
宮墻一道見煤山
數聲啼鳥悲長
日不見寒雲繞樹間

其二

山前宮殿挿雲懸勝事傳聞宣德年
隔苑風吹花自落空餘高樹滿蒼烟

閨情

青窻風入篆烟飛沉水頻灰寶鴨微
知是佳人臨鏡曉榻前薰罷紫綃衣

二月十二日

竹窻漠漠春光半茜帳溶溶花事重
要是東風貪結子頻來芳樹舞飛紅

七夕

笑問銀河汝即媒多人間別耐人懷
一年一夕幾能此吩咐啼鳥曉莫催

其二

相望相思無了日今年今夕較如何
天孫自分終無老歲月殷勤勝織梭

其三

人世一年天一日雙星何處有
化離想應一帶銀河影只抵閨中小戶幃



跋熊劉兩先生詩

易大樅 靜亭

大雅需扶輪皇天產燕許斗躔朱鳥配從風肇三楚
百里漢黃間熊劉爭先睹組織雲漢章天孫失機杼
昔有靈灼氏風騷擅踵武六朝稍疲茶中興仗杜甫
上下七百年二公選規撫明季風骨靡架漏濕倚杵
二公伸臂出誕將造化補灝氣擺雷琅雄辭經鬼斧
窅然空踪跡披蘇讀岫嶺錦囊千萬篇琳瑯積元圃
黔羸勅六丁警爾下追取星散人間者吉光識片羽
我誦二公文漢京時延佇我誦二公詩殷勤檢石鼓

願生雙勁翮捕一荒宇攬君飛霞珮闖入君之廡
杳杳岐亭道迢一明川澣遺編誰撫呵寸心照千古
跋熊先生六
易大暮穆亭
獨立蒼茫覽古風漢陽提唱大江東間分文陣千軍
力猶作騷壇一雄鸚鵡葱菁脩菽合龍霓縹緲綺
雲空公訂態度誰圖繪黃鸝翠飛翼際中

跋劉先生詩

領袖羣仙上紫霄喬皇冊府掌靈叢金銀銅錫歸洪
冶沙石魚龍走巨濤策對天人資

丹手裁風雅濟吾曹歸然赤壁千尋立莫比先生聲價

高

跋熊劉兩先生詩

易大醇白亭

文章誰一班馬光劉黃

誰拉李杜

傳熊一陵兮劉一川二

赤紱豈知一

復同堂天

鳴梧岡

Large, faint watermark characters, possibly '上海' (Shanghai), are visible across the page.



